

ديوان قصيد

الشاعر الوالد:

محمد بن علي آل عمره المري

(راعي اللبل)



الفهرس



قصائد النصيح

من تعب يبغي العلا ماتندم في الأخير
والمراجل كايده مايحصلها كسول

الرجل تعرف مباديه من عاده صغير
يعرفونه من مباديه صاحين العقول

من تهاون يبغي يجيد لا قد هو كبير
يمكن إنه مايجي له مع العالم قبول

العمر محدود والموت مامنه نذير
والزمن دوار ما يامنه كون مهبول

ورزقنا عند الولي ربنا العالي القدير
غير كل إنسان حرص على رزقه عجول

بنصحك يا غافل القلب حقق بالمسير
وإجتهد في الدين وإتبع إرشادات الرسول

من يطيع الله لو هو عمى يحسب بصير
يطلب الله يخرجه من خطر يوم يهول

أذكر الله عد وبلن هطل سيله غزير
والسموحه كان في محتوى قولي ميول

خلوني أسير دام الرجل تمشي بي
ومادام عيني على الممشى تقديها

مافات لي من سنه زادت بي الشيبى
وأيامي اللي مضت كثرت لياليها

إن طال عمري تبين في عذارى بي
بيجيني نقوص مالي حيلة فيها

أهز نفسي على الفرعات وأهيبى
وبعض المشاوير أهم بها وأخليها

أذل منها ولا ابغي الناس تدريبي
مابغي العرب تدري إني عاجز فيها

ليت السنافي يسمكر وله توضيبي
نحط عمره ثلاثين وحواليها

من دون ماخص بآبدي هل الطيبي
اللي هدفهم على العليا ومافيها

بدفع عليهم فلوس لو فضى جيبى
أعمار الأبطال غالي المال يفديها

يستاهل المدح ذابح شمع النبي
اللي ضيوفه الى جاته يعشيها

يوم العسر ما يصد من المواجيبي
يمناه في مده الجوده مضريها

يستاهل اللي حمى حرش العراقيبي
لأختفت القوم حول عند تاليها

من ثقل قلبه ماهو يخطي المضاريبي
له عزوه من سمعها يعترف فيها

يستاهل اللي الى جات المطاليبي
كبود ربعه من الطنيه يداويها

من دون ربعه يوقف وقفه الذيبى
كبود يشفع لها و كبود يكويها

يستاهل اللي جرين ماهو يهيبي
رجله على مصلحه ربعه معنيها

عزام بالطيب ماطاع الزواريبي
والهرجه الضايعة مايلتفت فيها

الزمن يعطي دروس يشيب بها الرضيع
والعرب في غفلةٍ ماتقوم رقودها

النصايح كان تشرى وصارت دون بيع
وشفتها في تالي الوقت وقف فودها

الصقر ما عاد يقدر يعدل اللي يضيع
خايف من هرجةٍ ضايعٍ مردودها

مكسبك في مسكت الدين والصدر الوسيع
وعذلان النفس وإقناعها من زودها

أترك الحاقد وحاول على الرأي الرفيع
حط عقال العرب في نحر مقرودها

من تعدا نقطة الحق يتبع له شهير
ضايع وغادي وحضه ردي والله بلاه

لو يقول اني كبير يقال انك صغير
جاهل ماهو يميز صديقه من عداه

تاركِ درب السنع راكبِ دربِ مرير
ياخساره ضمة اللي مثل ذا و أشبهاه

في المجالس ماهو يفز لجاه الكبير
يفهق أرجيله وهو مادري مالي وطاه

قاعدن في زاويه منعطف كنه كسير
بس يضحك من صور هاتفه ومن زملاه

يحسبنه رجل كامل وهو كنه غرير
صرفته في روحه أكبر دليل في خطاه

ما فعل مشهوره يجيك كنه مستذير
طاير شبحة ويهرج ويخطي في حكاه

يتبع الشله ويترك هله كنه أسير
ويجحد علومه ع أهله ويبدي لآخوياه

ترى الأبى عم اللى لآءاء لزومك فىه
رفض ماتقدم فى لزومك وهو قادر

إلا جاك ماهو لازم إنك تستر فىه
قله عندنا وإلا رفض خله يغادر

إذا جاء مشكلة من الله لا تبكىه
لاىبكى عيونك واحد ماهوب نادر

خل بكاك للى لأعترض للعرب طاريه
قالوا كلهم نعم على فعله البادر

صبي الصمايل يجرح الجرح ويداويه
يعرف الكلام الوارد ويعرف الصادر

البارحه عيني تشوف ولا أدري ويشي تشوف
تشوف شي مايونسي ضامري و ألدها

أشوف شي محدثٍ من قبل ماهو بمعروف
شيءٍ يتك الصدر منه النفس وصلت حدها

أشوف جيلٍ يتبع الموضات من كل الصنوف
حريم ورجالٍ مع الجهال لو بتعدها

تخسر على شي ماله داعي ولاهو بمخلوف
وتهوم هوماتٍ خياليات ماهي قدها

وقام الرجل يهرج بهرجٍ كذبٍ ويخلي يطوف
ماعاد به رجلٍ يعارض كذبتة ويردها

قد راعي الهرج الصحيح يكنسله لأنه يخوف
من واحدٍ عنده يحرف السالفه ويمدها

الخير واجد غير انا من ذا البشر نفسي عيوف
لا عافت العربان خل النفس تتبع ودها

صحيح ماهو يتفق في الرأي كون أهل الشفوف
اللي هدفهم فالمراجل مالرخوم تحدها

السنة إهي السنة والشهور إهي الشهور
بس خلق الله والوقت جاء فيه إختلاف

وصارت الدنيا وشغلاتها لعبة بزور
وبعض خلق الله من الدين جاء فيه إنحراف

قامت العالم تمارى بتصليح القصور
والمراعي سكرت والخطاء ماهو يشاف

وراعي الأبل لا بغى العشب ماعين عبور
كون مع شبك يحده ومع طرق كساف

وين راعي الذمة اللي على الديرة غيور
يصل العلم المفصل ولا قلبه يخاف

يصل العلم الحكومة مقصرت الشبور
اللي ثقال العرب عندها تاتي خفاف

ياسعود عندي لك بيوت جديدات
ركز عليها ثم عطنا بدلها

رجل في ذا الدنيا بليا طموحات
تصعب عليه الكايدة مانقلها

حنا نبي الراحة والأيام عجلات
الله يكفي شرها ماأعجلها

دنيا تبني منا على كل الأوقات
في الدين والدنيا نزاول عملها

نبي نتجمل مع رجال الجمالات
الطيب قمه ناجح من نزلها

ترا الردي لو مات ذكره معه مات
ولا المراحل باقي ذكر اهلها

النوم ماهو يجيب المال
مايكسب المال كسلاني

المال يبغي شطير عيال
على العمل غير متواني

يعمل مع الصاحي العقال
قد جرب المر والحالي

يعرف خواجه من المدخال
ولا وهقه كل حيالي

حيال صرفه ولا ينحال
وبالمرجلة موقفه عالي

منزله ياتي عليه اقبال
ويقدرونه وهو غالي

البخيل الي لا منك نفعتة ماشكر
والجمايل فيك يصعب عليه يعدها

ناكر المعروف لاجاء مجالك ماذكر
والمدايح فيك يشفق على إنه يصدها

إن حضر في المجتمع بالسواليف إشتهر
يهرج هروج كثيره ولاهو قدها

قال بعض الي حضر ليت هاذا ماحضر
لجت(ن) ماينعرف كذبها من جدها

أُصارع الدنيا واجامل مع الناس
وأذخر رفيقي لو غدى فيه ميله

وأخذ مع درب المطاليق مرواس
ولا المراجل نوب تاتي ثقيله

مايكسب الطاله ولا ياخذ الكأس
رجل يطاوع للعلوم الهزيلة

بعض البشر لاجاك للنبض جساس
يحط مشخاطه وزان الفتيله

كنه صديق وهو خسيس وبلاس
ينقل حكي بين العميل وعميله

لا ولعت ضوك على ذا البشر داس
يجيب لك هرج قليل ذبيله

من يوم خلق الكون والعالم أجناس
وكلن على ما قيل فكره دليه

طب المقفي لا ترده تراضيه
خله على وجهه يعالج خطاياہ

إن جاء يدير رضاك فالله يحيه
وإن صد منك هفة مقيط ورشاه

لا صار داري بالخطاء كيف ترضيه
متعمدٍ أخطاه يمشي بعمياه

رفيقك اللي زايد مايزودك
مايلزمك تعطيه لو جاك زايد

عنده سوا غيبتك ولا وجودك
مجاملك له دوم ماهوب فايد

لاصار ماهو واحد من عضودك
يشيل ذروا الحمل لاصار كايد

أحلم عليه ولا تبيح سدودك
للناس تفرح بك خبول البدايد

خله على فاله وجود حدودك
يعطيه درس الوقت ويجيك عايد

ابتدي باسم الله الوالي القدير
ربنا اللي كلنا نرجي عطاءه

الله اللي من عذابه نستجير
نطلبه عفوه وحناء في رجاءه

عقب ذكره ببدع القاف اليسير
دام بدع القاف بيزين معناه

يارجال تستمتع هرج الشوير
وضعكم مخطور من كل إتجاه

وضعكم ذا فيه شر وفيه خير
خلوا الغفلة وشدوا الإنتباه

ماتساوى سير الأعمى والبصير
والسعد تلاقاه في حب الصلاة

يا أمة محمد على الدرب المنير
حثوا الممشى بتغيير الحياه

مالنا في سنة محمد خشير
ومن تركها ف إحسبونا من عداه

وقفوا بالشر في وجه الشرير
لين يترك دربه ويعرف خطاه

ترا صبي مابه همه
لاشاف الريبه يرتابي

يقال الله خله لأمه
ولا يحسب له حسابي

ماهو يذكر وسط القمه
ولا يفقد لا من غابي

ترى النادر يرد الجمه
إلا هابوا الهيابي

يرفع من ذراعه كمه
ويترجز بالهندابي

حماسه يمشي في دمه
إن هاب الهايب ماهابي

إلا ذكرت اللي مضى قلت حيه
تبكي عيوني ذكر وقت لنا فات

يومٍ مجالسنا لها قابليه
فيها رجال يحفظون الروايات

إلا هرج راعي العلوم الطريه
نصمت ونكمل تالي الصمت بسكات

يروى لنا مواقف أهل الحميه
ماهو كلام هياط كذب وخرافات

فالمواقف لا تمالي هل الرأي الهزيل
العزوم الزايدة للحمول الكايدة

كم شوير يمنع الرأي ما عنده بديل
قال منهو يعرفه أي ذي عوايده

إن عطاك الرأي ماشفت لك منه حصيل
يشغلك ب أشوار مالك وراها فايدة

السنافي فيه عزم على الحمل الثقيل
قو عزمه يجبره للحمول الكايدة

ترا الردي جیده حلول الفراغات
ويعجبك هرجه في حلول العوافي

ويقل هرجه في وقوت المهمات
وإن جاء اللزوم العسر ماهو يشافي

يكفيه قرمٍ مايحب الدعايات
ولا ينتظر لا قيل وين السنافي

يأمر على روحه على الشغل بسكات
لو هو بشغل حط ذا الشغل إضافي

يا أهل العقول السليمة
للشر شفنا علامه

ماعاد في الناس شيمه
والدين قل إحترامه

وقع على السيل ديمه
والوقت حل حرامه

من جاء ابن عمه خصيمه
ماعاد يلقي مرامه

الوقت يبغي عزيمه
والشمل يبغي زعامه

زعامة مستديمه
ماهي زعامة رخامه

تبغي رجال فهيمه
تمشي بعقل وشهامه

ويجي مهم زود قيمه
ويستاهلون الزعامه

البارحه ماطبق الطرف بنعاس
يوم كلن مهتني في منامه

وسط الفراش وكن ماعندي أوناس
متكدر بين الحزن والندامه

أشوف وقت غادي في عوكاس
نجني حرار ويطلع الفرخ هامه

يا عيال ياللي عينكم صوب الأدناس
روحوا ولا تقولون مع السلامه

عزاه يا ضم وتاليه الإفلاس
ضمة صبي ما برأسه شهامه

لا خاف من ربه ولا من حكي الناس
يفضح نباء ربه وهان الكرامه

بعض العيال دعايته ترفع الراس
فعل الشرف والعز جود زمامه

الدين والدنيا بها ياخذ الكأس
الله يوفقه السعد والسلامه

الزمن دوار لا أحد يقول إنني غني
يذكر الرجال ربه ولو عنده رصيد

ما أمحق من اللي يتردى وعقبه ينتني
يبغي يصلح ف ماله ويبدأ من جديد

من تعب يبغي العلا لو خسر ما يحزني
يضرب الكايد ورزقه على رب العبيد

كل شي له جني والفعول لها جني
جنيها يثنى على الرجل بالفعل الحميد

ما أحد يلقى طموحاته اللي يمتني
كون هو قد حد نفسه على الدرب المكيد

يا عيال غير الدين مابه طماعه
تمسكوا في دينكم يامطاليق

بضاعة يا طيبها من بضاعة
الرابع اللي شدها بالمواثق

دام السعد للرجل يكفخ شراعه
يطلب ولي الخلق له بالتوافيق

المال للطيب يقوي إندفاعه
على دروب المرجله ماهو يضيق

أنا أشوف وقت فيه بعض العرب مغرور

ويهرج بهرج ما يحسب عواقبيه

لو إنه يعرف العلم ولا يطيع الشور

ترك ذا الكلام اللي لسانه يهذري به

إلا صار ماهو في كلام الغلط مجبور

لا يأمن لسانه لا هذر به يولي به

إحنا في بلادٍ جعل يبطي وهو مسرور

بلاد الرجال اللي لهم في الدول هيبه

أنا صريح ومن نشدني نصحته
على الطريق اللي يوديه للصح

ولا يحسبني بالنصيحه جرحته
كم واحد عطيته الراي وأفلح

نصيحتي من فضل مولاي بحته
نصيحةٍ لله ما أنا أتمدح

اللي بصدري للنشاما شرحته
ولا أحدٍ يقول محمدٍ بالنصح شح

بعض الكلام إلى هرج ماسمحته
خص الكلام الي يجنب عن الصح

نصائح قصيره

اللي يحدك على الممنوع
النفس عن جيه إمنعها

ماحلل الحرم كون الجوع
والعالم الله مشبعها

خل الخطأ وأتبع المشروع
محجة محمد إتبعها

لا جاك من هو حده الوقت ناصيك
يبغيك تنسف منه كربه همومه

لا تعتذر من حاجته والله معطيك
لا تشغله وتحط عنده خصومه

ماراح صوبك كون هو هاقى فيك
إنه إلا من جاك تقضي لزومه

الله يجير المستجير من الجري على الخطير
لأن الجري على الخطر نفسه رقص شيطانها

شيطانها يامر لها بالسوء والعيش المرير
مايفهم الصالح من الصحبان من عدوانها

يروح في درب الخطأ ماهو يطيع اللي يشير
ناس فلت تمشي كذا ماطاوعت شيبانها

الرفيق اللي على لابتة سيف حديد
وعند قيماڻ العرب رفقة مثل العسل

ينقل الأخبار بين العرب مثل البريد
ينقل السيئه ولا ينطق الهرج الجزل

رفقة ماتنشرى ودك إن داره بعيد
واقع في مشكله من غرور الى جهل

إلا تردى الردي زودت جيدي وراه
أخاف نفسي أعوان الهون تدني بها

الهون هين عسى المعبود يقلع مداه
وصعب على تنومس لا ذكر طيبها

الى تردى الردي وأفلس ولا الله عطاءه
وقروم الأجواد ماکمل مواجيبها

ترا الشرير اللي يدور على الشر
يلقى شرير مثل شره ويبلاه

لا صار شرير وأقشر يحصل أقشر
يرد دوار القشر من نواياه

اللي مايفزع ل ابن عمه إلا إنضر
حل الفراغه لا يكثر حكاياه

ترا الطمع تاتي سبوره شياطين
تسعى بشي لإختلافات الجماعات

تذكر لك السلبي وتكتم على الزين
وتحط عقال العرب في متهات

وتحط إشاره واضحه بين قوسين
يفهم عليها اللي يعرف الحواصات

ترا ضيقه خاطر تخلي الرجال تضيع
تخلي كثير العرف يخطي التصرافي

ترا ضيقي بابيعها في مزاد البيع
وبامشي مع اللي ناوين بالنكافي

من كان عزمه ردي مايقدر يفيدك
يبرد حديدہ إلا جات المواجهيبي

إن كان ماحطمك ماودك يزيدك
ووده يدور على النشمي عذاربيبي

المراجل خلها بين طيب وصدقه
واشتغل لله وما راح لاتحزن عليه

الرياء لاحطه الرجل في الطيب محقه
من غدا طيبه رياء ما العرب تشفق عليه

المراجل كايدہ غير تاتي هيئه
للصبي اللي على المرجله قلبه عزوم

اللي إلا جاء راعي لزوم عينه
ويتحمل للحمول الثقيلات ويقوم

ترا الدرب لا من طال مايقطعه كسلان
ولا يقطعه صبي بعد بارد جوفه

يبي له صبي في السفر صاحي وفنان
مرحوله على الدرب السنع دايم يحوفه

إلا من زهمته يعتزي كن فيه جنان
يقضي لزومك قبل ويخلي ظروفه

يا لله دخليك غدا في الناس شيء غريب
جهالها ماتسمع هرج عقالها

ماكل منهو هرج يهرج بهرج مصيب
لونهم ساكتين السكتة أشلى لها

هرج يروج بدون إسناد علم قضيب
كثير منها مايعرف وين قوالها

من تردى في رقيقه الا جاء له لزوم
يمسك لسانه من المدح وسط المجتمع

اي بعض اهل المناصب من النفع محروم
يمتدح وسط المجالس وهو يخطي السنع

خوي الفراغه مايفيدك الا جاء الضيق
يخلي خويه جعلها تقصر شبوحه

اللي مايطيع الشور خله الين يفيق
يعطيه الزمان دروس ويعود بروحه

من لا طاع عاقل يخطر بقله التوفيق
يكلب عليه الوقت وتوقف مزوحه

طب المقفي لاترده تراضيه
خله على وجهه يعالج خطاياہ

ان جاء يدير رضاك فالله يحيه
وان صد منك هفة مقيط ورشاه

لاصار داري بالخطاء كيف ترضيه
متعمدن اخطاه يمشي بعمياه

الدنيا ماهي تبقى لحد والعمار قصار
ترا الرابع اللي سالم ن الطمع فيها

كم من واحدن قد شلته ماعطته انذار
وهو ماعطى اللي يطلبه ممل فيها

أنا احب من هو رفقة ماعليها غبار
الا صار عندي غلطن ماخفيها

الا شفت رجلن ضايع ورايه مكفيه
قصرت النصيحة منه واخوف ينقدني

يروح على رايه وبد الزمن يرضيه
الا من تراجع من خطايا ييدني

الا جيت باجازي الردي بالردا مأحتال
تَكر علي جوي ولا هو يتهياي

تذكرت هرج الناس من بين قيل وقال
الا قال خاطي قرم والله ماقال

يدافع على عرضي مع جملة العقال
ولا هو يجامل في مجارة جهالي

ترا المراحل ماهي بهرج وضحوك
فيها تعب فيها عزوم وخساره

كنك ترحب بالانشاما الا جوك
يفرح بك الهاشل ويلقى وقاره

التسرع في القرارات يغوي صاحبه
التزم في اللي يملك عند الطيبين

اركب الدرب الذي كل قرم راكبه
لا تجنب عن طريقه يسار ولا يمين

الكبير يضيق لا من جلس عند الشباب
هرجهم معطي طريق وهو معطي طريق

وإن نشد من ماضي الوقت ماعين جواب
وإن سأل ماجاوبوا له يحس انه يضيق

هرجهم واجد ولاكن ياقل الصواب
والكبير لزائد الهرج ماعاده يليق

من عقب ماحن كان نعزم ونعزم
لاحن نعزم ولا نحب العزيمه

الله يستر يالنشاما من الذم
الذم عاقبته علينا وخيمه

عينت ناس كن ماهيب تفهم
لما جهل ولا عقول سقيمه

نحلف لهم بالله والدين الأعظم
وأعطيه صدق وصرت كني خصيمه

لو بغيت الناس تمدحك فحرص لاتضيع
لاتخاوي واحد ضايع ويضيعك

لو بغاك الضايع ترافقه قل له ماستطيع
باتنحر لازمي وانت روح لسنحك

ترا النيه مطيه وإفعلوا بالخير يا لأجواد
ومنهو يفعل المعروف يدعى له بالإحساني

ترى راعي الرياء م الناس تشكر سعيه إيا جاد
ولامنه خسر ماله تقول الناس غلطانني

من كان يطمح للمراجل وصلها
يتعب عليها لين يلقي جزاها

تري المراجل مفلحين أهلها
اهل المراجل عالي مستواها

قصائد الإبل

اللي قنى الابل ولا هو يعتني فيها
احسن له يبيعها ويريح البالي

من كان يحسب حساب اللي يعيشها
ما هو ب صابر الى وقت الدهر طالي

ياما على قاصر الأسره مبدىها
نصبر على الدين لجل العرب الأجهالي

الأبل كرمها يبيض وجه راعيها
وتسكت اللي يلفق بعض الأقوالي

الأبل تجميل يكون يشح راعيها
فيها اللحم واللبن لجاك هشالي

يعل رجلن يسرحها ويرعيها
مايكرم الضيف منه الخير ينجالي

نفسى من قصورها ماني مزكيها
أرجي المغفره من اللي يرحم الحالي

البلل تبي رجل قوي صبر وعزوم
عنده على كثر الشدايد عنادي

الا لحقها نقص تلاقاه مهموم
في المجتمع تلاقاه ماهوب عادي

ومن قال علمك قال ماعندي علوم
انا بوادي وانت تمشي بوادي

ماني على كثر السواليف ملزوم
حاديمني من هل السواليف حادي

راعي الابل الا اهمل بها يلحقه لوم
ومخطور من بعض العرب بالسوادي

ياللي تحب البل ترا عندي علوم
علوم تخطر بين مخطي وقادي

العلم جاء به فرق بين امس واليوم
البل بضاعه لاجفاك البلادي

بضاعة اسعارها قبل بسهوم
يوم القبائل بين منكف وعادي

البل بضاعه ضمها كل شغوموم
ذخيرتن فيها شراب وزادي

ترحل عليها البدو وتشل وتشوم
وتصبر على حر التعب والبرادي

واليوم في ذا الامن ياعله يدوم
بقيادة اللي جعل رايه سداي

ابو فهد جعله من الشر معصوم
ياعل يفدونه قلال الرشادي

وعضوده اللي تنقل الحمل وتقوم
مثل البليهي يوم شال العتادي

في مصلحتنا م اهتنت لذة النوم
ثروة وطن من بين حضر وبوادي

سبب القصيده عندما سيمت أغلى إبله، كثرت عليه
الاتصالات من بعض الناس يوصونه في بيعها.

كل ماهوجست في البيع جاني سايبه
انتحت بي وابعد الفكر معها مادريت

وقلبي اللي قاربات على حضايبه
يمكن لحدن يقول انت غلطان بكيت

كل مافكرت في خيره اللبل غايبه
قمت احاول في التنسي ولكن مانسيت

ونفسي اللي مع جميع النصايح تايبه
كم نصيح قد نصحني ومن شوره عصيت

ماكتب لي عند مولاي صوبي جايبه
مايجيب الرزق لك قول حي وقول ليت

شفت ناس تشرب الماء والأخرى هايبه
حالفن اشرب مع الناس ولا ماغزيت

الرجل لعاد ماهو يعرف النايبه
احسن انه مايسوي مع البدوان بيت

حب البكار السود ماهو يشله
الا فلوس تتعب اللي يعدون

ولا لزومن كايدن صعب حله
ولا سجين رقاب ولا هل ديون

الأبل وناسة روح ماهي ممله
بعض العرب من ضمة الأبل يعجزون

حبي لها قد هو بقلبي جبله
ماسج من ذودي مع اللي يسجون

أظروني من الشده مع مقدم البدوان
حدثني وأنا يالربع ماني بغاويها

أدل المراتع كلها وأبخس القيعان
ورجلي على كثر المماشي مضريها

إلا قمت من قال أنت مخطي فهو غلطان
وأنا في ضميري عبرة غير مخفيها

عصيدي وراعي اللبل غدى كنه البزران
وأنا خابره وقت الصعوبات راعيها

يسري بها في الليل إلى ناموا الرعيان
ويصبح وهو بعض المسافات طاويها

ياهل البل نحمد الله وسعها الولي
وسع الدبره برجعن يونس من مشاه

يحي النبات اللي من الضما عوده بلي
زاين لونه ضحى اليوم يوم الله عطاءه

يفرح اللي من مسير البراري ماسلي
وده بذوده ويمشي بذوده في هواه

من يلوم اهل الابل بحبها قلبه خلي
احسن انه مايبين على العالم حكاه

اللبل اذا ضاقت تضايقت منها
مادامها رتاع يرتاح بالي

اللبل لها شومات تبغي وطنها
الى نوت لديارها ماتمالي

يامهبل اللي يوم شامت ومنها
مايامن الابل كون رث العيالي

وطنيات

أنا سعودي والسعوديه أُمي
أكلي ومشروبي عطى من حصيلها

أُمي علي أغلى من الناس كلها
تضمنني وتعيشني من صميلها

ياحيسفا ياكل رجل سعودي
لا راح من داره نسي من جميلها

دار المعزه ديرة إخوان نوره
ماغيرها لي ديرة أنتمي لها

من يوم عشنا في مراتع وطنها
جعل الحيا في كل موسم يجي لها

دام الحكم معتز فحنا طيبين
الله يعز الدوله بحكامها

في ظل سلمان الحزم ذرب اليمين
وولي عهده رفرفت بأعلامها

المملكه تسعى لخير المسلمين
وتضرب بحد السيف لجل أخصامها

رؤية 2030

جعل صبي رؤيته غيرت ممشى البلاد
ياخذ سنين طويله وهو يرقى سنود

فيه حكمة راي وعناد للراي السداد
خلت بلاده تجي عود في عين الحسود

طلعته مطلاع حر ينومس بالهداد
جعل يبطي حي ويعيش لين يصير عود

عسى من سعى في خونة المملكه ينصا
 يصيدونه اللي وظفوا في البلد لأجله

إلى قص رأس اللي يخون البلد وش عاد
 إلى خذ جزاه من الخطاء وإنطوى سجله

عدو البلاد الى عبث ودك أنه يباد
 تجيه الأوامر لأجل مسكه وهي عجله

وردي المذاهب لا قعد عندنا مافاد
 وإلى راح منا خايب وهرجته خجله

جعله يعم المملكة زين الاخبار
وتعيش ب أمن وازدهار وسرورا

للملكة شعب على داره يغار
ولاه للحكام ماهو يبورا

يا الله إني طالبك يا غفور ويا رحوم
عز دولتنا ووفق لنا حكامها

جعل من عادا بلدنا سريعات السهوم
جعل رب البيت يامر لها بإعدامها

من نوانا بالعداوه ياعله مايقوم
ودولته ياجعلها ماترز أعلامها

ياناس شخص مايحب الحكومه
ضعيف دين وللمعاريف نكار

حنا بخير والبلاد محكومه
حكامها نخبه من خيار الاخيار

اللي يعاديه توقف علومه
لا جاه رجل ياصل العلم ب اخبار

من هاجسه ماعاد هو يزين نومه
يجني على نفسه بهرجه ويحتار

اللي من بلدنا وانتزع في بلاد الغير
وعود يسب بلادنا ناقص عرفه

هذا حسب عرفي بالصراحه وبالتفسير
وترى اللي يسب بلادنا شوفته قرفه

الله يفك المملكه شر الاشرار
من خان فيها جعل ربي يخونه

اللي مايحب المملكه مايحب الدين
واللي مايحب الدين ماحن بربع له

قصائد الجيب

راكب اللي لاركبته راح همي
مابغيته من طريقن مايكوده

لاركبته قال وين تريد عمي
مع صلاب القاع ولا مع نفوده

شركته من طبعها ماهي تذمي
ماخذه من ميزه الشركات جوده

والدي يابان والتبوتة امي
كل منهم معطي الاخر عهوده

مايهم اللي مدح واللي يذمي
كل طيب لازم يثبت وجوده

جيب شاص لاعطى الدرب المهمي
يطرب اللي والده عنز جدوده

أنا دامنني باروح وأجي هواي الجيب
لجل الجيب رغبة خاطري دامنني بري

ترى مدحتي للجيب يالربع ماهو عيب
وقدني على لذة منافعه متضري

إذا سرت فوق الجيب تبرى لجل النيب
وناستك ونسة واحدن متهم وبري

ركوب المواتر كلها زين ماهو عيب
بس الجيب مثل اللي على المرجله ضري

ترا ركبتى للجيب عند النياق علاج
علاج الكبير ورغبته تبعت شفووفه

هواء العود لامنه صمل يبغى المنهاج
عوينه على المنهاج ماكثر ضروفه

قال ابشر بعزك للسفر وش حن بنحتاج
نجهزه من ذلحين والشد بنحوفه

ندق المواتر سلف قبل السفر ينباج
على حروت المنهاج للدرب مصفووفه

قصائد المدح

قصيده موجهه للوالد علي بن مرعي رحمه الله بعد
مكالمه هاتفيه بينهم

الهاتف اللي ينقل اسماء المطاليق
غالي علي لو كان ماهوب غالي

هواتف اللي عندي ألهم مواثيق
غلا معي من ماضيات الليالي

كلام صدق ماهو بزود تلفيق
ربع(ن) علي غالين والعود غالي

عود نحبه عاد حنا ملاحيق
وحبه تمكن يوم قد حن رجالي

لا جيت باوصف سجاياه ماطيق
طيبه على كل المجالات عالي

صقار طير وفي مجال التفافيق
رماي شوف العين ماهو يقالي

صدره على شغل الخوي ماهو يضيق
شغل الخوي عنده على طول حالي

كريم من عاد الذبايح تشافيق
عاد العرب مايملكون الريالي

ودليلة لأدلوّس الليل مايضيق
يدل دربه في السهل والجبالي

لطيف يرحم من ضعف المخاليق
اللي عليه نقوص ولا يسالي

وشاعر وله في بصمه الشعر توثيق
ماينطق الا بالبيوت الجزالي

عطاءه من رب المخاليق توفيق
سمح الجناب ومدهل(ن) للرجالي

هذا ابن مرعي مايبي زود تحقيق
هذا كلام الصدق ياللي تسالي

عز الله ان حنا لجيه مشافيق
حن بالجنوب وهو بدار الشمالي

قصيده مهدها للوالد/ محمد بن ناصر العمره وأبنة
الأخ/ جابر بن محمد بن ناصر العمره(بدر). بمناسبة
خروجهما من المستشفى عام ٢٠١٥. والحمد لله الذي
شافهما وعافهما. شفثها عندي ومبطينه في
الأرشف وحبيت أطلعكم عليها ويمكن بعضكم قد
سمعها.

ذا الليل أمن ابرك ليالي ذا السنه والشهور
واستبشر بشوفكم ياطيبين المقام

والقلب متزايدن فيه الفرحة والسرور
ويزيد فرحه اذا جاو الربوع الحشام

أنا احمد الله على دبرة مدبر لمور
اللي ومر بدر يسعف والده لين قام

أنا احمد الله وأنا خاله ماهو بمعتور
رفيق دنيا من سلالة رجال كرام

طيبه لوالده يقنينا ويكسب الأجور
من عند ربه ويلقا من طرفنا احترام

ابوه قد طاح من شد المرض مايثور
كن العرب في نهار وهو يسير بظلام

من كثر ماجاه من لوجاع رجل صبور
يمزح مع الناس وان جاء النوم ماهو ينام

ماهو يبين على العربان بعض الأمور
ومن قو عزمه مابين للعرب لنهظام

ولا محمد مجرب عندنا ومخبور
اعلومه الطيبه عند الخلايق عظام

كم جاه محتاج كاربه الدهر ومعسور
قال ابشر بما يسرك صدق وأخذ الكلام

كم جاه متعطلن موتره عيا يدور
صلحه ابو ناصر وللطيب شد الحزام

مدة يمينه تخص الارمله والبزور
وقد لقبوه العرب من قبل يابو اليتام

وبيته معمر بضيفانه ماهوب مهجور
يجيه ضيفان من شرق الاراضي وشام

من جاءه عين هلا والعود الازرق يدور
بشوش في وجه ضيفانه بحلو الكلام

مرحبا بالي سؤاله في كلامه
منزلي مخليه لي ثالث اسبوعي

ملت النوقات من طول المقامه
والحيا طايح وانا فكري رموعي

خايف من قامه تلحق ملامه
والشوير الهزل ماني له بطوعي

يوم جاء حل الشديد وجاء مرامه
قالو الشبان خلوها تزوعي

حاسبين لسفر كل اهتمامه
والاجازه بالشهور وبالاسبوعي

يوم كل الراي ولوني زمامه
قلت حنا راحلين ذا السبوعي

ياحمد ياويش لونك والسلامه
يالرفيق الذرب يالسيف القطوعي

يالرفيق اللي يواصلني سلامه
غالي عندي ومن ندر ربوعي

يابس راسه على عز وشهامه
وخذ وسام العرف من بين الجموعي

وكل ملاك الهجن تبغي إحترامه
لجل عرفه لاحكم مابه رجوعي

قصائد الأمطار

قصائد عامه

مادامكم حين مباح سدي
ولا ضاق صدري في الليالي العسيرات

طيرن بلا جنحان ماهو يهدي
ولا يعدي في الطوال المنيفات

انا احمد الله يوم ماخاب كدي
ع الحرار اللي تعشق الجزيلات

حالي لحالك يالسنافي مفدي
ياراشد بيوتك حدثني بالأبيات

مادامني بكفيك يالقرم ودي
بالمال ولا بالتعب والكلوفات

الهرج لاهو يجيب ولا يودي
ولا بداوتنا بداوة دعايات

ولا نتبع اللي عن سنعننا يصدي
ومن راح معنا بشره بالمسرات

دام رجلي تدعس البنص وعيوني تشوف
واتحمل للسفر والديار ادلها

خلني أمشي دامي ماغدا عندي ظروف
في هواء النوقات مادامي هوي لها

مامضى من وقتي وراح ماهوب مخلوف
وأطمع الدنيا وأفكر بها وأملها

عشت مع نجع وراحوا يعيشون الضيوف
ساترين لعرضهم فالمراجل كلها

لادعست ديارهم قمت اصفق بالكفوف
قلت حي اللي مضى والدموع اهلها

سلام مني سلام سلام واثنى التحية

تقدير للحاضرين

تحية للكرام اهل الوفا والحمية

لطامة العايلين

حماية للجها م إلى لفاهم غزيه

يبغون كسب ثمين

يبغون برد و سلام والبل وراها سريه

تقصر خطا العايلين

لاصاح خاطي غلام وثور له ابندقيه

في لأرض له طلقتين

وجاوه عيال همام يردون حوض المنيه

لرواحهم جالبين

وين أنت يابن الكرام عطنا علوم طريه

وعجل بها ياذهين

ثم قال مامن كلام اللبل خذوها اللظيه

واقفوا بها الطامعين

ياهل الفعول القدام عاداتكم لوليه
تروون حد السنين

لعيون راعي الوشام اللي يحذف أغطيه
يقول ياالمستحين

حرام والله حرام إنردحوض المنيه
ميرادة المعطشين

معاد فيها التزام كل(ن) سلاحه خويه
يطلب من الله يعين

البل جلال العظام لون إنها بالهنيه
قد كملت من سنين

من قبل وقت الكمام من عاد بقعا صبيه
من دونها معتصين

واليوم فأمّن ومنام في ظل دوله قويه
تضرب يدالعابثين

وأختامها و السلام على محمد نبيه
هو سيد المرسلين

بديت بالي عالمن كل الاحوال
الي يعرف البيئه والخفيه

رب رؤوف كل عباده اتسال
انه يغفر ذنوبها والخطيه

من عقب ذكره باتمثل لي امثال
الله يوفقنا البيوت الطريه

في ليل قمراً فيه لنمبات واهلال
وضون تشب ودلتن شاذليه

يتعب عليها لاجل سمحين الاقبال
كل ابلجن ماهو يخون بخويه

يتعب على العليا ولاو يخسر المال
ومعا المراجل عندهم حسن نيه

الطيب سندا والردا راس هيال
كلن يعرف العاليه والدنيه

من لا تعب على الصعيبات مانال
قول ونعم عند الرجال الوفيه

وابذكر الله عد ماهر همال
وعلى النبي مني صلاة وتحية

عيني اللي بالمطاليق مسروره
وجسمي اللي كافي النوم مانامه

شفت دمع العين في الخد منتوره
يوم شاف الرجل لابته واحزامه

يعجز الرجال مايملك شعوره
يوم صفو كلهم عند دهامه

يمسكون صفوف بالصوت والصوره
الشبل والي يتشكى من اعظامه

عرضنا بوجودهم زايد نوره
شوف ربعي عندي الفوز ووسامه

شاقني شوف النشاما وجمهوره
بين جمعا ملت الناس واعلامه

ماهي بمن غايب الربع مقصوره
كل منهم يرفع الراس كلامه

منهم الي جا وشاركني بشوره
ومنهم الي جا وطوف على زامه